

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffiannut aallartitat siulittaasuat aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 2/2013-imik, ataani allassimatut oqaasertalimmik, Inatsisartut tapersiinnaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalackersuisunut kaammattuutigaa nunat pineqartut akornanni pilattaasarnermut tunngasut qitiutillugit peqqinnissaqarfiit akornanni suleqatigiittoqalernissaanut suliniuteqaqqullugit. Nunat pineqartut kaammattorneqarput tamanna pissarsiviusumik iluatissartaqartillugu pilattaasarnerit assigiinngitsut eqqarsaatigalugit akunnerminni piginnaasatik iluaqutiginiqqullugit. Islandimit iviangikkut kræfteqalersimasumik pilattaasartoq ullumikkut Savalimmiuni atorneqalereersimavoq qaammatikkaartumik Savalimmiuliartarnikkut. Nunani pingasuni peqqissutsimut naalackersuisut kaammattorneqarput taamatut periaaseqarneq annertusaqqullugu aamma suliaasaqarfimmut allanut atuuttussanngorlugu, isumaqatigiissuteqaqqullugillu nunat tarmik peqataanissaannik, sullissatut sullinneqartutullu.

Tunngavilersuut:

Nunat Avannarliit Killiit Siunnersuisoqatigiiffiat isumaqarpoq peqqinnissamut tunngasutigut nunat avannarliit killiit suleqatigiinnerulernerat nunanut pingasunut tamanut iluaqutissartaqartoq. Nunat avannarliit killiit peqqinnissamut tunngasutigut akunnerminni assigiinngitsunik neqerooruteqarsinnaapput, nunat pingasut tamarmik immikkut suliaasaqarfinni assigiinngitsuni pitsaasunik misilittagaqareermata nunani allani peqqinnissaqarfinni pissarsiviusumik iluaqutigineqarsinnaasunik.

Nunani pingasuni pineqartumi taamatuttaaq ajornartorsiutit qaangerniagassallu amerlasuutigut assigiipput, tamarmik ilisarnaatigalugu innuttaasut siamasissumik najugaqarneri, illoqarfiit imminnut ungasillutik, nunaqarfiit avinngarusimallutik peqatigitillugulu nunarsupp immikkoortuani tamatumani aningaasarsiornikkut ingerlatsineq annertusiartorluni. Peqatigitillugu nunani pineqartuni peqqinnissaqarfiit aningaasaqarniarnikkut unammilligassaqarput nunarsuaq tamakkerlugu aningaasaqarniarnikkut ajornartoornerup malitsigisaanik sipaarniartariaqalernerimikkut.

Nunat pingasut pineqartut taamatuttaaq inissisimanertik eqqarsaatigalugu imminnut qanipput nunallu akornanni angalannikkut attaveqaqatigiinneq ajoriinnagassaanani. Taamaattumik nunani avannarlerni killerni peqqinnissaqarfiit akornanni suleqatigiinnerunissaq orniginartinne-qarpoq, taamatullu aamma nunani pineqartuni peqqinnissaqarfimmut pissusissamisoorsinnaalluni tamanna naapertuukkaangat aningaasatigullu iluaqutissartaqarluni akunnerminni sullissinernik pisisarsinnaanissaat, sullinerit pineqartut nunanit ungasinnerusuniittunit, taamalu aam-ma angalannikkut akisunerusunit piffissamillu sivisunersuumik atuiffisunit, pisiarinagit. Taa-matut nunat pineqartut imminnut qaninnerat nalissaqanngitsumik periarfissanik ammaagaluarpoq akuttunngitsumik tikeraartarnikkut nunani allani marlunni sullissinernik neqerooruteqarsinnaanerannut.

Pilattaasarnerit assigiinngtisut eqqarsaatigalugit taava nunat avannarliit killiit akunnerminni neqeroorutissaqaraluarput nunanit allanit suliaritinnermut sanilliullugu akikinnerusunik unamillersinnaasunillu. Nunat Avannarliit Killiit Siunnersuisoqatigiiffiat 2013-imi januaarip qi-teqqunnerani Islandimi Ísafjörðurimi nunani avannarlerni killerni peqqinnissaqarfiit pillugit ataatsimeersuartitsivoq. Tassani saqqummiunneqartut ilagaat periaatsimik iluatsilluarsimasumik najoqqutassaqaereertoq, tamatumani islandimiit pilaasartoq Savalimmiunut pilaajartortarluni qaammatit tamaasa piffissami aalajangersimasuni. Tamanna peqataasunut tamanut pissarsissutaasarpoq. Savalimmiut sullissinermik annertuumik qaffasissusilimmik pisisarput unamillersinnaasumik akilimmik; Islandimilu napparsimmavissuaq Landspítali taamatut sullissinermik tunisinermigut saniatigut isertitaqartarluni, minnerunngitsumillu iluaqutissartaa uaniilluni savalimmiormiut napparsimasut namminneq nunagisaminni avatangiisit sungiusimasat qimannagit suliaritissinnaallutik, nunani allani suliaritinnatik. Tamatuma saniatigut na-korsat taamatut amerlanerusunik suliaqarsinnaalernermikkut soorunami suliaminnut pikkorinnerulertarput siunissami suliaritittussanut tamanut iluaqutaasumik.

Taamatut periaaseqarneq ukiuni arlalinngortuni Savalimmiut Islandillu akornanni ingerlareerpoq misilittakkallu takutereerlugu peqataasunut tamanut annertuumik iluaqutissartaqartoq. Nunat Avannarliit Killiit Siunnersuisoqatigiiffiata ataatsimeersuartitsinerani ersersinneqarportaaq pilatsinnerit piaartumik pisariaqartut ilaat Nunat avannarliit killiit iluanni sukkanerusumik ingerlanneqarsinnaasut avataani periarfissanut sanilliullugit.

Taamaattumik Nunat Avannarliit Killiit Siunnersuisoqatigiiffiata Islandimi, Savalimmiuni Kalaallit Nunaannilu peqqissutsimut naalakkersuisut kaammattorpaat isumageqqullugu taa-matut periaaseqarnerup annertusillugu nunanut tamanut taamatullu aamma iviangitigut kræfteqartunik pilaasarnerup saniatigut aamma pilaasarnernut allanut atuuttussanngortinneqarnissaanut iliuusissioqqullugit.